

千甃亭磚續錄

者古者之僻也鼎鑪彝器而叙已於漢書
唐之博之有文字者尚不蒐獲
點畫者詳備前增損之以推見
之始与刻符契子印幡信署是也凡於說
字不無不補猶淺也夫古之有博者紀年代
著姓者皆一時實蹟非尋常文辭出自後代纂
輯者有傳聞之異也循是以證歷代之文辭
往往因博之久而得其實蹟豈非讀書之助哉
夫及陸公存齋成博一二年校仿宋漢文惠
之例成博錄以卷博之不合與禁者必

究其孰是孰非者援精砥退樓吳先生
謫為鄉黨傳人稱首今又成續錄四卷郵
示余之閩好齋近作等身書止博錄而已
夫博錄心身者也而考據之密通一字
不謬雅馬鄭注經不遺如是淮南子曰不學
之與學猶痛癢解之以於人也余身先健
忘胃痛聲之不若尋常時一知半解膏
肱隔世何敢望好齋第一好齋之孺
童述作也印碑錄已使人傾倒吾撫其
它可知矣光緒戊子正月楊規拜序

千甓亭專續錄卷之一

存齋雜纂卷之三

歸安陸心源剛甫纂

漢

漢元鳳專

長一尺一寸六分厚一寸五分文曰元鳳元年二月癸酉朔日造上端文曰吉羊宜孫子出烏程篆文案元鳳漢昭帝第二改元也通鑑目錄元鳳元年二月癸酉朔閏當爲三月壬申朔五月辛未朔七月庚午朔九月乙巳朔十二月戊辰朔與專文合若據漢書昭帝本紀七月乙亥晦推算則與專

文通鑑目錄皆不合五行志作七月己亥晦推至
二月朔却得癸酉則本紀乙亥晦當爲己亥之譌
無疑

漢元平專

長一尺八分厚一寸三分文曰元平元年八月孝
子卬造下端元年廿三字一字一格繆篆孝子下
似是連字蓋造磚者之名也

漢地節專

長一尺一寸厚一寸八分文曰地節二年一字一
格格中又文篆文出烏程節作曰古文年作𠂔字

書罕見說文月瑞信也象相合之形節竹約也从
竹卽聲二字聲義皆同得相通假自經傳通用節
字而月字罕見矣

漢神爵專

長一尺一寸四分厚一寸六分文曰神爵四年八
月陸氏下端富貴昌一字一格篆文案神爵漢宣
帝第四改元也富貴昌漢人頌禱之辭富作喜與
薛氏欸識所收雙魚四錢大洗之喜貴昌相似元
和姓纂齊宣王封其少子通于陸鄉因氏焉漢大
中大夫陸賈子孫過江居吳郡以是專證之則賈

之子孫居吳當在宣帝前矣

漢五鳳專

長五寸厚一寸五分上端文曰五鳳三年右側飛鴻二字一字一格下一字不可辨案漢宣帝吳侯官侯皆紀元五鳳此專字近小篆當屬漢五作又鳳作鳳年作丰而倒書之出烏程漢瓦有飛鴻延年鴻字下當是延字俗已泐

漢甘露專

長七寸厚一寸五分文曰甘露三年七月作反文下端花紋案漢宣帝魏高貴鄉公吳歸命侯前秦

村堅皆紀元甘露專出長興必非曹魏付堅時物
吳歸命侯紀元甘露祇一年不得有三年惟宣帝
紀元甘露者四年其爲漢物無疑

漢建昭專

長一尺一寸五分厚一寸六分文曰建昭二年太
歲甲申下端沈氏造一字一格篆文案建昭漢元
帝第三改元也沈爲吳興著姓墓在郡境者漢則
述善侯沈戎尙書令沈禮荊州刺史沈彥河間相
沈景晉則吏部尙書沈嘉車騎將軍沈充東陽太
守沈勁益州刺史沈叔任詹事沈回六朝以後尤

多此則沈氏墓專之鼻祖也

漢建始專

長一尺八分厚一寸八分文曰建始二年六月趙造下端文曰宜侯王出烏程篆文案建始漢成帝紀元也宜侯王頌禱之辭釋見前錄趙氏墓專也

漢元延專

長三寸厚一寸五分上端文曰元延二年案元延漢成帝第六改元也字文甚細夾于花紋中疑爲元康或天紀等字所改出烏程菁山

漢居攝專

長一尺五分厚一寸文曰居揖二年二月廿日作
是法案居攝孺子嬰紀元也攝作揖省文也與居
攝二年雖斗之揖字相近

漢永平專

左側長五寸右側長七寸厚一寸四分左側文曰
惟歲在寅下一字不可識右側文曰夏君上端永
平二年造案漢明帝晉惠帝皆紀元永平漢之永
平二年歲在己未晉改元永平之次年歲在壬子
皆與專不合惠帝于辛亥正月改元永平三月卽
改元元康稱永平祇二月斷不能有二年今定爲

漢物在寅當作在己匠人誤記也

漢永元專

長五寸厚一寸五分文曰永元十一年繆篆反文
下缺出烏程永作永十作十皆隸變也案漢晉六
朝以永元紀者三專出湖州與前涼張茂之永元
不相及齊東昏紀元永元祗二年專稱十一年其
爲漢造無疑

漢永和專

長一尺一寸厚一寸八分上端文曰永和元年右
側文曰萬歲不敗大吉永字小篆和作和年作丁

歲作山不作沚皆隸省光緒十年烏程西余山古
冢崩鄉民獲五鳳三年歲在丙子吳文操專無數
冢之下又有冢焉尋之得古專數枚厚于五鳳者
倍字畫奇古鄉民以爲萬歲專棄之有持以示余
予識爲永和元年萬山不敗大吉十字字文深厚
與本初磚同其爲漢永和無疑蓋五鳳間人又葬
于永和舊墳之上也

又長九寸一分濶一寸一分文曰永和五年八月
宣嘉壁上端文曰大吉詳宜子孫出烏程宣氏墓
專也宣嘉無攷

漢建康專

長一尺濶一寸四分文曰建康元年太歲在申費
甬作出烏程之三碑鄉費氏墓專也費甬無攷

漢本初專

長一尺四分厚二寸文曰本初元年歲在丙戌下
端文曰造作則歲作歲年作年

又長一尺一寸厚二寸文同前歲作歲丙作丙與
繆篆分韻所收丙充國之丙同

漢延熹專

長一尺二寸厚一寸九分文曰延熹四年太歲在

辛丑上端文曰萬世老壽下端文曰陽遂富貴反
文案漢桓帝永壽四年歲在戊戌六月改元延熹
延熹四年歲在辛丑與漢書合萬世老壽漢人吉
祥語陽遂富貴見前錄楊氏峴曰易林逢時陽遂
富且尊貴富貴陽遂卽逢時陽遂之意言富貴如
火之盛也其說亦通延作延與劉球隸韻所載羊
寶道碑延壽萬年之延相近熹作熹年作丰歲作
舛辛作至與孔龢碑十八日辛酉之辛相近萬作
萬老作耄壽作壽遂作遂與武榮碑當遂股肱之
遂堯廟碑遂受封于齊之遂相近富貴作商合二

字爲一字皆繆篆變體也

又長一尺一寸九分濶一寸九分文曰延熹四年
太歲在辛丑上端文曰永富貴下端同繆篆反文
出長興熹作𠂔辛作𠂔丑作𠂔說文丑紐也从又
而繫之隸作丑易圓爲方楊統碑三月癸丑嚴發
殘碑五日癸丑之丑皆變作𠂔此專又變作𠂔屈
曲密填綢繆更甚此所以爲繆篆也

又長一尺七分厚一寸六分文曰延熹十一年八
月甲子朔廿日作壁𠂔案漢桓帝延熹十年六月
改元永康盡十二月專稱十一年蓋餘杭距長安

遠至次年八月民間猶未周知也壁與甃通延熹
之十一年卽靈帝之建寧元年以歷術推之八月
當爲丙子朔專作甲子恐亦匠人之誤也延作𠂔
熹作喜朔作朔壁作甃延从𠂔从正變正爲𠂔又
省𠂔匠人俗作猶鳳皇之作凡皇也熹作喜與費
鳳別碑舉宗爲歡喜之喜同蓋借喜爲熹也朔从
𠂔非从手隸變作𠂔與孔龢碑丙子朔華山廟碑
奄有河朔之朔同壁从土辟設薛从艸辟設聲本
可通从薛从土則爲字書所無猶祝睦碑綏民校
尉熊君碑以𠂔爲辟召之辟變从辛爲从𠂔皆繆

篆之變也

吳黃興專

長九寸四分厚一寸六分文曰黃興元年八月廿
日作下一字不可辨上端文曰大吉羊口富富字
上一字亦不可辨案古以黃字紀元者甚少黃武
黃龍黃初而外無聞也專出烏程與魏之黃初不
相及宜爲黃武之訛

吳黃龍專

長一尺厚一寸五分左側文曰黃龍元年右側文
曰太平三年七月上端回文黃龍吳大帝紀元太

平爲侯官侯紀元黃龍元年下距太平四年己卅
年蓋匠人誤合二範爲一也三四之籀文說文四
舍數也四分之三籀文从重二儀禮覲禮鄭註古
三四字皆積畫商格仲尊惟三月虢季子盤經獲
三方毛公鼎亂三方粵三方康能三或繼彝惟三
月初吉虢姜敦惟王三年師遽敦三月旣生霸召
伯虎敦惟六年三月正考父鼎惟三月初吉召鼎
惟王三月旣生霸用茲三夫齊侯甌寶簠三秉秦
右軍戈廿三年周孟鼎匍有三方王有三方乃壹
三方商父乙鼎北田三呂乙酉父丁彝惟王六祀

三月周公緘鼎惟十有三月旣死魄散季敦惟王
三年宰辟父敦惟三月初吉師戣敦乃周粵三方
周卹公敦廣亂三方畢中子孫敦惟王十有三年
新王葬厚布三百壯泉三十四字皆从重二蓋周
以前四字皆積畫不作四至秦而三字僅見于右
軍戈至漢而三字惟見于葬之布泉康成云古皆
積畫可見漢人皆作四不作三矣不意三國時尙
有作積畫者益見專文之可寶也

又長一尺四分厚一寸二分文曰萬歲黃龍三年
上端文曰吳家冢見前錄吳作吳从口从夭說文

吳从矢口會意界古文漢碑有變爲从夫从去者
與古文从夂相近从天之吳始見于集韻注云俗
从夭非是三國吳志薛綜傳無口爲夭有口爲吳
二語正與此專同時疑孫氏據吳始有此語蓋卯
金刀之類漢時無吳字也

吳嘉禾專

長一尺一寸二分厚一寸一分文曰嘉禾七年七
月造上端大吉羊三字出烏程隴山案嘉禾吳大
帝第三改元也嘉禾年號盡于此月八月改元赤
烏矣嘉作嘉與衡方碑米嘉石之嘉同一省文年

三原縣志卷一
作手造作這皆隸變也

吳赤烏專

長三寸七分厚一寸三分文曰赤烏四下斷上端
大吉二字出烏程

又長一尺一寸厚一寸二分上端文曰赤烏七年
左側文曰造作吳冢吉翔位至公卿卿字反文出
烏程赤作赤與史晨奏銘觸期稽度爲赤測之赤
同赤本从大从火隸變爲赤當以赤爲長烏作鳥
與綏民校尉熊君碑鳥呼君兮之鳥同吳作吳變
从矢爲从夫與穀阮碑陰吳中之吳同至作至與

李翊夫人碑祀之全兮之全同皆隸變也

又長九寸八分濶一寸五分文曰赤烏八年歲在乙丑圓冢師俞岑萬世凡十六字前錄所據圓冢二字泐故疑爲圖律此專明晰可辨圓冢師者猶圓冢匠也凡墳周棺之槨方周槨之冢則圓其人蓋專門造冢者故曰圓冢師也

又長一尺厚一寸一分文曰出赤烏十一年七月廿日作下書窗文上端古錢文出長興赤烏上出字未詳漢晉專往往有于年號上著地名者如武康則著武字四明則著鄞字之類三國時郡縣無

以出名者不可解也

又長五寸五分厚一寸六分文曰俞君赤烏十二年下斷上端花紋俞氏墓專也出烏程

吳五鳳專

長一尺三分厚一寸四分文曰五鳳元年八月十八日造上端萬歲二字右側書窰文出烏程

又長一尺一寸三分厚一寸四分左側文曰五鳳三年十月八日造會稽吳文捺右側文曰五鳳三年十月八日造太歲在丙子上端富貴萬年吳氏墓專也出烏程吳文捺無考鳳作鳳與繆篆分韻

所收慶鳳私印之鳳上半相似稽作稽與史晨奏
銘稽度之稽同吳氏墓專出于湖州者有赤烏七
年吳冢天紀元年吳葬黃龍三年吳家冢則吳姓
在三國時固吳興大族也

又長一尺一寸三分厚一寸五分文曰五鳳三年
十月十八日造太歲在丙子下端文曰富貴萬年
見前錄出烏程

又長七寸五分厚一寸五分文曰五鳳三年下斷
下端花紋上端富貴陽隊隊遂隧古字通說見前
錄

吳太平專

長五寸七分厚一寸三分文曰太平三年下斷上端不敗一字一格下八文出烏程

又長一尺厚一寸五分文曰太平三年造姓鄒氏上下書窗紋上端古錢文鄒氏墓專也出烏程按漢獻帝時烏程鄒他錢銅及前合浦太守王晟等各聚眾萬餘見三國志孫策傳注是吳時烏程鄒氏固豪族也

又長九寸七分厚一寸三分文曰太平三年七月廿日作之宜上端古錢文出長興

吳永安專

長九寸五分厚一寸五分左側文曰永安三年右側文曰建口二年八月作上下端又文建字下一字不可辨匠人誤合二範爲一也

又長四寸八分厚一寸八分文曰永安四下斷出烏程

又長一尺一寸厚一寸六分文曰永安六年八月立作繆篆反文上端萬歲二字出烏程永作𠂔安作𠂔六作𠂔說文𠂔地草叢生田中从𠂔六𠂔蓋借𠂔爲六也

又長一尺厚一寸五分文曰永安六年太歲癸未
作案吳景帝于太平三年戊寅十月改元永安六
年歲在癸未與吳志合出烏程

又長一尺一寸五分厚一寸五分文曰永安六年
八月廿四日造作壁反文出烏程見前錄

又長一尺厚一寸三分文曰永安六年七月十二
日太歲在癸癸者癸未也出烏程之道場山

又長一尺一寸一分厚一寸五分文曰永安七年
烏程都鄉陳肅冢上端花紋出烏程案說文有先
君之舊宗廟曰都从邑者聲鄉國離邑民所封鄉

也从罷巨聲管子四鄉曰都廣雅十鄉曰都漢書
百官公卿表大率一里一亭十亭一鄉縣大率方
百里凡縣二千五百八十七鄉六千六百二十二
亭二萬九千六百三十五蓋以國統都以都統鄉
三代之制以縣統鄉以鄉統亭西漢之制以都統
鄉則三國之制也陳肅無攷又後漢書注謂都亭
爲城內之亭則都鄉爲城內之鄉陳肅蓋烏程某
鄉之人或謂都鄉侯國屬常山郡皇甫嵩封都鄉
侯陳肅蓋都鄉人而葬于烏程者果爾不當曰烏
程都鄉矣其說非也

又長六寸五分厚一寸五分文曰永安七年七月十五日下斷上端古泉文出烏程

吳甘露專

長一尺一寸五分厚一寸五分文曰甘露二年胡公輔立葬且子孫壽萬年下端胡世子宜万年案說文無万字廣韻始有万字云十千也今專有万字則万字吳時已有又案建平邾縣碑賈二万五千則又不始于吳矣元和姓纂舜後胡公封于陳子孫以謚爲氏三國吳志胡綜汝南固始人年十四爲孫策門下循行留吳後封侯進封鄉侯赤烏

六年卒子冲嗣古者五等之爵其子孫皆稱世子
考是時自胡綜外無封爵或疑爲胡綜子孫所造
惜無可考耳公輔猶公侯公卿也或曰胡姓而公
輔名

又長一尺厚一寸三分文曰甘露二年八月十七
日于何上端花紋出烏程于氏墓專也案元和姓
纂周武王第二子邴叔子孫以國爲氏其後去邑
爲于氏漢季有曲阿將于糜下邳將于茲見三國
志注則于氏固南中大族也于何無攷

又長九寸五分厚一寸三分左側文曰甘露二年

八月大千何右側文泐上端花紋

吳寶鼎專

長四寸厚一寸文曰寶鼎二年下斷右側萬歲不下斷出長興

又長一尺二寸厚一寸四分文曰寶鼎二年夏君之左上端萬歲二字夏氏墓專也晉書孝友傳夏方隱逸傳夏統皆會稽永興人永興縣故址在今蕭山縣西與湖州相近之左者墓左之專也

又長九寸八分厚一寸七分文曰寶鼎二年七月卅日臨淮裴雁造下端文曰作壁大吉祥皆反文

見前錄出烏程三碑鄉案說文𠂔三十𠂔也玉
作卅卽以爲三十字武榮碑年卅六之卅與𠂔卅
字同从卅而曳長之與世字相似由𠂔而變爲卅
蓋自漢已然矣

又長一尺九分厚一寸七分文同前作字祇見下
半𠂔字祇見上半範小字大故也

又長九寸四分厚一寸四分文曰寶鼎四年口口
口黃𠂔命大立之凡十三字中三字不可辨出長
興黃氏墓專也𠂔卽𠂔字人名也命大立之者黃
𠂔命大造此專猶虞氏使工𠂔四作也

又長一尺四分厚一寸五分文曰寶鼎四年八月
蔡造上端雙雀形中間古泉文出武康蔡氏墓專
也元和姓纂蔡仲之後以國爲氏世爲陳留著姓
永嘉中謨始渡江但寶鼎四年已有蔡氏之專則
江以南之有蔡氏固不始于謨也

吳建衡專

長一尺一寸厚二寸文曰建衡二年太歲庚寅上
端孟有萬年下端建衡二年造五字孟氏墓磚也
案元和姓纂魯桓公子慶父之後號曰孟孫因以
爲氏衛襄公長子孟摯之後亦曰孟氏吳有丞相

孟仁侍中孟宗見三國志鳳皇二年專有孟陳孟有無考有與陳或兄弟歟庚寅與吳志合

吳鳳皇專

長一寸七分厚一寸三分文曰鳳皇元年太歲在辰上端又紋出烏程西余山案太歲在辰者是年歲在壬辰也年作丰歲作歲在作在辰作用

又長一尺一寸三分厚一寸六分文曰鳳皇元年九月范氏造上端萬歲二字見前錄鳳作鳳

又長一尺厚一寸五分左側文曰鳳皇二年八月三日東萊孟陳右側文曰鄭遵所造上端文曰富

貴陽遂下端北海二字案晉書地理志東萊國統縣九孟陳無考蓋東萊人而葬吳興者鄭遵者造碑匠人之姓名北海鄭氏之舊望也

又長四寸五分厚一寸七分文曰鳳皇四年一字一格下斷出歸安之塋頭

又長四寸五分厚一寸四分文曰凡皇二年下斷出武康案說文鳳神鳥也从鳥凡聲鳳凡同聲通借字也

吳天冊專

長一尺厚九分左側文曰天冊元年九月作凡七

字出烏程之郭西灣

吳天紀專

又長一尺五分厚一寸四分文曰天紀元年大歲
丁酉丹陽芮氏作上端萬歲不敗一字一格丹陽
芮氏作五字雙行繆篆出烏程見前錄年作乖歲
作歲芮作芮敗作敗皆繆篆變體也

又長一尺三分厚一寸一分文曰天紀元年八月
世作上端孝子吳葬大繆篆一字一格出烏程之
西余山吳氏墓專也天作𠂔與繆篆分韻所收天
帝使者之𠂔字相近元作𠂔年作𠂔與繆篆分韻

所收長年之平相近子作𠂔其上从口蓋繆篆口
字往往作回子字非从口而漢印多有从口者如
繆篆分韻所收之麗子孟印伯玉子章夏子儀印
胡子功印虞子游印白馬子章之子字皆从口此
則又由口而變爲回愈變而愈遠矣吳作𠂔與繆
篆分韻收吳房長印之𠂔字同葬作茔省文說文
葬从死在𠂔中𠂔从四中堯廟碑生長葬陵之葬
隸變爲茔已非死在𠂔中之義孫叔敖碑葬枯稟
乏又省作𠂔去之愈遠此專茔字僅省下二中尙
爲近古大字下必有吉字蓋言吳葬大吉範小而

脫吉字耳漢專往往有此如此專孝子之孝字有祇見子之下半者寶鼎專之作壁大吉祥有祇見羊字之以者皆此類也

又長一尺三分厚一寸二分文曰天紀元年太歲丁酉丹陽芮作造上端萬歲二字繆篆出烏程案芮社字宣嗣丹陽人从孫堅征伐有功薦爲九江太守後轉吳郡所在有聲子良字文鸞隨孫策平定江東策以爲會稽東部都尉弟元字文表良卒元領良兵拜奮武中郎將以功封溧陽侯女爲孫登如黃武五年卒見三國志潘濬傳注專稱丹陽

芮氏非社之後裔即社之族也

又長一尺六分厚一寸文曰天紀元年太歲丁酉
上端萬歲二字繆篆出烏程年作丰與魯峻碑延
熹七年之丰字同

又長九寸八分厚一寸文曰天紀元年歲建丁酉
一字一格篆文出烏程天作𠂔與無極山碑與天
墜俱之𠂔字同年作丰與孔宙碑年七十一之丰
字同歲作𠂔頗爲奇創建作𠂔則隸變也建本从
又不从走惟北海相景君碑建筴忠讜之建鄭固
碑建口共憤之建皆已作建則隸變之譌漢季已

然矣

又長一尺一分厚一寸四分文曰天紀元年八月
廿日上端文曰烏程吳葬四字反文一字一格繆
篆天作𠂔與前專同日作𠂔年作𠂔與前專垂字
又不同

千巒亭專續錄卷之二

存齋雜纂之三

歸安陸心源剛甫纂

晉

晉太康專

長一尺厚一寸三分文曰泰康元年歲在子下斷上端花紋出烏程歲在子者是年歲在庚子也

又長一尺厚一寸二分文曰泰康元年中間古泉又文上端一康字下截古泉又文出烏程康氏摹專也按顏魯公集汲郡蘭陵令奮節將軍康翼隋晉元帝渡江爲吳興郡丞因居烏程此專在翼之

三
前鳥程之有康氏蓋不始于翼也

又長一尺五分厚一寸五分左側文曰太康二年
永興楊璋右側萬歲不敗下端八月五日作出鳥
程永興見前錄楊氏墓專也楊璋無攷

又長一尺四分厚一寸文曰太康二年歲在寅造
凡八字出鳥程案太康二年歲辛丑非寅也匠人
誤記耳

又長一尺厚一寸五分文曰太康二年太歲辛丑
凡八字出鳥程

又長一尺六分厚一寸五分文曰惟太康二年錢

氏作凡八字篆文上端二雀形出武康錢氏墓專也案古鐘鼎文開端多用惟字漢碑亦然韓勅造孔廟禮器碑云惟永壽二年西嶽華山亭碑云惟光和元年東海廟碑惟永壽元年張公神碑惟和平二年若斯之類不勝枚舉專云惟太康猶此意也

又長一尺厚一寸三分文曰太康二年二月庚戌朔十日吳慶制上端雀形出烏程攄通鑑目錄太康二年二月當爲壬子朔庚戌乃正月廿八日專作庚戌朔恐通鑑所推有誤如太康四年通鑑推

三月庚子朔而晉書本紀以爲辛丑永嘉元年十一月丁未朔而本紀以爲戊申以此例之恐當從專文爲是吳氏墓專也吳慶無攷蓋造專者姓名也

又長一尺一寸厚一寸五分文曰太康二年太歲在寅上端大皇帝下端宜子孫所作出烏程案其文當以三面連讀曰大皇帝太康二年太歲在寅宜子孫所作

在寅之誤與前同大皇帝者猶韓勅後碑之漢皇帝元也

又一範尺寸同前上端鳳皇島下端宜子孫所作

鳳皇島見前錄

又長一尺厚一寸四分文曰太康三年八月廿八日下泐出烏程

又長一尺厚一寸三分左側文曰太康三年七月造萬歲右側文曰吳興烏程人姓管之壁出烏程蓋卽下管晏墓專也管字不从竹與建武專同又長一尺九分厚一寸文曰太康三年八月十日下午一字泐太字上斜方格文出烏程

又長一尺二分厚一寸五分文曰太康三年八月下花紋上端文曰太平時下端文曰萬世不敗出

烏程案太平時亦吉祥語也禮記仲尼燕居篇言而履之禮也人而樂之樂也君子力此二者是以天下太平也公羊傳何休注上有聖帝明王天下太平鄧析子轉辭篇家給人足天下太平呂氏春秋仲夏紀天下太平萬物安寧漢書食貨志進業曰登再登曰平三登曰太平皆其義也

又長一尺四分厚一寸六分上端文曰太康三年八月凡六字右側文曰八日千秋萬歲平安富貴高下端文曰遷口口下兩字不可辨出烏程其文四面連讀曰太康三年八月八日千秋萬歲平安

富貴高遷皆頌禱之辭韓非顯學篇巫祝之人使
若千秋萬歲樂錄上之回歌千秋萬歲樂無極洪
遵泉志千秋萬歲錢文曰千秋萬歲博古圖鐵鑑
銘曰千秋萬歲富貴不斷易林元鬣黑類遠祗天
門見我真君人馬平安皆其証高遷見前錄

又長一尺厚一寸四分左側文曰太康三年七月
造作壁右側文曰吳興烏程人營吳冢槨出烏程
與太康三年姓營之壁爲一家所造案營吳無攷
冢槨者冢中之槨也說文冢高墳也槨葬有木槨
也白虎通冢大也槨之爲言廊也所以開廊辟土

無令迫棺也漢書酷吏尹賞傳致令辟爲郭注謂四周之內也太平御覽引古史考禹作土塋以周棺湯作木槨易土塋土塋令壁卽今之專蓋棺之外周以木謂之槨周以專亦謂之槨槨之外覆以土則謂之冢故曰冢槨也夏之槨本用專至商而易以木至周而有用石者桓司馬爲石槨是也木不如專之久石不如專之儉故後世用專多而用木少隸釋所載之延年益壽郭亦非木槨也今人家造墓四周離棺數寸以石灰周築其外如棺之形謂之灰槨以專築謂之專槨俗亦謂之卷洞槨

古義也說文無槲字乃棹之俗別孫叔敖碑漢書
尹賞傳及寶鼎二年徐君專皆借郭爲棹則晉以
前無槲字矣

又長三寸厚一寸五分下端文曰太康三年四字
晉字上有朱雀形年字下有玄武形右側存一敗
字餘斷出烏程

又長五寸厚一寸四分文曰太康三年下斷下端
太平歲三字案太平歲猶太平時也出烏程

又長五寸厚一寸三分上端文曰太康四年鄒伯
良造左側書窗格泉文鄒氏墓專也鄒伯良無攷

出長興

又長九寸五分厚一寸五分文曰太康五年歲在甲辰作下端二雀形出長興

又一範尺寸字文同前上端龍形

又長一尺厚一寸五分文曰康五年作之上端司日三字出烏程司氏墓專也司爲鄭大夫司臣之後見名賢氏族言行類纂司日無考

又長四寸五分厚一寸四分文曰太康六年下斷上端祗存八月二字

又長五寸厚一寸七分上端文曰太康六年左側

又曰何氏造大相下不可辨何氏墓專也大相二字俟攷

又長一尺九分厚一寸六分文曰太康六年八月吳興貝靈元所立下端又文出武康貝氏墓專也貝爲希姓出清河貝邱梁始興忠武王碑吳興貝義淵書石刻尙存安成康王碑亦義淵書見寶刻叢編則貝氏固吳興箸姓也靈元無攷

又長一尺厚一寸四分左側文曰太康六年右側上端皆陰文字不可辨出武康

又長一尺三分厚一寸五分文曰太康六年鄒氏

所造萬年之壁上端古泉文出長興鄒氏墓專也
萬年之壁亦吉祥語也

又長一尺厚一寸五分文曰太康六年口口丙戌
朔十日口口吳制吳上二字不可辨案太康六年
乙巳二月己丑朔四月戊子朔六月丁亥朔八月
丙戌朔十月乙酉朔十二月甲申朔則丙戌朔上
所泐乃八月二字也吳氏墓專也出烏程

又長一尺四分厚一寸三分文曰太康六年八月
七日下午不可辨上端吳興鄒三字鄒氏墓專也出
武康

又長一尺一寸六分厚一寸七分上端文曰太康
六年左側花紋出武康

又長九寸三分厚一寸六分文曰太康六年八月
口作作上一字不可辨下端有中字出武康中氏
墓專也秦有中期見戰國策漢有少府中京見風
俗通

又長一尺一寸厚一寸五分文曰太康七年辛巳
朔作凡八字案通鑑目錄太康七年正月甲寅朔
二月癸未朔五月壬子朔七月辛亥朔九月庚戌
朔十一月己酉朔則辛巳朔乃八月也

又長一尺五分厚一寸三分文曰太康康字下花紋出武康

又長一尺五分厚一寸五分文曰太康八年太歲丁未七月制上端入文出石門胡子樂茂才舊藏又長一尺五分厚一寸五分文曰太康八年太歲丁未七月作上端求氏二字出石門求氏墓專也胡子樂茂才舊藏案顏師古急就章注求氏本居衛國裘氏之地故稱裘焉後又轉爲求氏漢末求仲卽此族也元和姓纂引姓苑會稽有求氏又云求本裘氏改石門漢會稽郡地則石門之有求氏

固其所也

又長九寸八分厚一寸四分文曰太康八年八月
廿日凡八字出烏程

又長五寸七分厚一寸五分文曰太康九篆文下
斷太字上有古泉文

又長一尺一分厚一寸四分文曰太康九年戊申
王氏作上端又文出武康王氏墓專也九年歲在
戊申與史合

又長九寸厚一寸五分文曰太康九年八月十日
凡八字出烏程

又長八寸五分厚一寸五分文曰太康十年八月
四日上端古泉文出烏程

晉永熙專

長一尺八分厚一寸五分文曰永熙元年八月十
八日作出烏程

又長九寸二分厚一寸三分文曰永熙元年所上
端有十字出烏程

晉元康專

長五寸七分厚一寸六分文曰武元康元年太歲
下斷出武康年號上武字謂武康也武康所造之

專年號上有武字猶四明所造之專年號上有鄧字也

又長一尺厚一寸三分文曰元康元年所作壁上端窗文出武康

又長五寸七分厚一寸二分文曰惟元康元下斷上端古泉文出武康

又長八寸厚一寸四分文曰元康元年八月廿日在子作上端古泉文出烏程案惠帝永平元年辛亥正月改元永平三月改元元康卽以是年爲元康元年二年歲在壬子民間誤以次年爲元年故

云在子

又長一尺一寸厚一寸四分文曰元康元年宋氏造篆文出武康宋氏墓專也

又長一尺二分厚一寸文曰元康一年十月一日口作作上一字泐出武康

又長九寸厚一寸二分文曰元康元年八月造廣下端文曰壁功虎興出烏程廣字釋見前錄卷五功作朴工之借字壁工者猶漢碑之石師碑師也虎興壁工之姓名前錄有虞氏專文曰虞氏使工辟四作與此壁工同

又長四寸七分厚一寸五分文曰元康元年八月
月字半缺上端花文出武康

又長六寸五分厚一寸五分文曰元康二年八月
十下斷出武康

又長一尺厚一寸四分文曰元康二年歲在子鈕
氏造出烏程鈕氏墓專也鈕氏釋見前錄卷五
又長一尺一寸厚一寸五分文曰元康二年八月
十日歲在子上端窗文出武康案元康二年歲在
壬子子者壬子也

又長九寸三分厚一寸文曰元康三年九月十日

下三字泐不可辨上端有走字出武康

又長五寸七分厚一寸四分文曰元康四年九月
下斷上端四字不可辨出武康

又長五寸八分厚一寸四分文曰元康五年八月
下斷出武康

又長四寸七分厚一寸五分文曰元康五年下斷
出武康

又長九寸七分厚一寸四分文曰萬歲元康五年
七月揚作上端萬口作作字上一字泐出武康
氏墓專也

又長九寸八分厚一寸五分文曰元康五年八月六日作上端錠紋出武康

又長一尺二分厚一寸六分文曰元康五年癸丑謝氏作上端花紋下端文曰姓戾吳郡嘉興人出武康戾氏墓專也案五年歲在乙卯癸丑乃三年匠人誤紀耳謝氏造專之姓葬者蓋戾氏也戾爲晉侯縉之後見元和姓纂漢有侯封侯文侯芭侯霸侯覽侯瑾晉有侯史光陳有侯安都侯瑱則侯氏固漢晉六朝著姓也晉書地理志吳郡漢置統縣十一嘉興其一也

又長一尺五分厚一寸文曰元康五年九月七日
施在基所作甃反文出武康施氏墓專也在基無
攷

又長一尺厚一寸二分文曰元康六年八月楊舒
造出歸安楊氏墓專也楊舒無攷

又長一尺厚一寸二分文曰元康六年八月廿日
造下一字不可辨出武康

又長一尺二分厚一寸五分左側文曰元康六年
六月歲在辰右側二龍形上端飛雀形下端魚形
又長一尺厚一寸七分文曰元康七年宋氏造篆

文出武康宋氏墓專也

又長一尺五分厚一寸五分文曰元康七年八月
戊午朔下五字不可辨上端×文出烏程案通鑑
目錄元康七年正月庚戌朔三月己酉朔五月戊
申朔七月丁未朔九月丙午朔戊午當爲七月十
日非八月朔日匠人誤也

又長五寸七分厚一寸四分文曰元康年八月下
斷右側上端皆花紋出武康

又長九寸六分厚一寸四分文曰同元康八年八
月廿六日王頭作上端支×文出烏程王氏墓專

也元康上有同字未詳

又長一尺一寸厚一寸五分文曰元康九年十月
作出武康

又長八寸二分厚一寸四分文曰元康九年七月
廿日下斷上端文曰姪千萬宜子下一字泐出烏
程案說文姪兄之女也从女至聲劉熙釋名姑謂
兄弟之女爲姪姪迭也其行事夫更迭進御也左
氏襄廿三年傳繼室以其姪漢書杜欽傳姪娣雖
缺不敢補是姪之本義爲姑謂兄弟之女子之稱
兄弟之男子謂之猶子从子不得謂之姪也儀禮

喪服傳謂吾姑者吾謂之姪禮記曲禮不名世臣
姪娣左氏僖十五年傳姪其从姑周語則我皇妣
太姜之姪注女子謂昆弟之子男女皆曰姪據此
則姑謂兄弟之子男女皆曰姪已非姪字之本義
然于伯叔無姪稱也至晉世而伯叔于兄弟之子
皆曰姪顏氏家訓風操篇兄弟之子已孤與他人
言呼爲兄子弟子頗爲不忍北土呼爲姪爾正左
傳姪名雖通男女並是對姑之稱晉世以來始呼
叔姪晉書王湛傳王濟子湛畧無子姪之敬是皆
以姪對伯叔而言而姪字之義益晦至唐人始有

姪男姪女之稱則更鄙俗不通矣專制于元康九年已以姪與子對舉可爲顏氏家訓添一稿證

又長九寸八分厚一寸四分上端文曰元康九年八月左側萬歲不敗歲字半缺出武康

又長一尺一寸厚一寸八分文曰康八年八月卅日作壁出武康

又長一尺厚一寸七分上端文曰元康左側半花紋半古篆文出武康

又長一尺一寸厚一寸六分文曰元康九年九月星氏作出武康案星氏不知所自始漢有星重濟

北人南陽太守羊續娶其女見廣韻引羊氏家傳
又長一尺五分厚一寸五分左側文曰元康九年
吳下一字泐右側下端皆泉文出武康吳氏墓專
也

又長九寸五分厚一寸三分文曰元康九年九月
六日施黃作出武康施氏墓專也施黃無攷

又長一尺厚一寸四分文曰元康九年下又文下
端又文出武康

又長九寸五分厚一寸二分上端文曰元康九年
七月十日左側古篆文間以又文出武康

又長一尺五分厚一寸四分左側文曰元康九年
八月張卞泐右側及上下端皆古篆文不可識出
武康張氏墓專也

晉永康專

長一尺五分厚一寸五分文曰永康元年歲在戊
申吳作上下端皆花紋出烏程吳氏墓專也案永
康元年歲在庚申非戊申匠人誤記也永作正
又長九寸八分厚一寸六分左側文曰永康元年
八月十一日張右側俞張菰下人出烏程俞氏墓
專也案太平寰宇記春申君黃歇於吳墟西南立

菰城縣青樓連延十里湖州府志下菰城在府城南二十五里

又長六寸二分厚一寸五分文曰永康元年下泐出烏程

又長一尺八分厚一寸三分文曰永康元年八月丁巳朔下不可辨上端古泉文出武康案通鑑目錄永康元年二月壬辰朔四月辛卯朔六月庚寅朔八月己丑朔十一月戊午朔則丁巳朔乃明年正月也與專不合恐通鑑所推置閏有誤

又長一尺八分厚一寸六分文曰永康元年八月

作出武康

又長八寸三分厚一寸五分左右側文曰永康元年
一字一格下有人形右側二龍形出武康

又長一尺厚一寸五分文曰永康元年八月載凡
七字出武康載氏墓專也案風俗通載姬姓之後
元和姓纂周有載國漢有載戴

又長一尺厚一寸五分文曰永康元年十月二日
遵光作上端蔡王二字出烏程遵氏墓專也遵姓
見姓苑

又長一尺厚一寸五分文曰永康元年太歲在庚

申九上端文曰月楊元造出武康楊氏墓專也楊元無攷

又長一尺一寸厚一寸五分下端文曰永康元年左側書窗文出武康永作𠂔康作康似魯峻碑四月庚子之庚字年作丰年字从永从千隸變作年又作丰無作丰者皆漢晉間俗字也可補隸辨之缺

又長一尺一分厚一寸四分文曰永康元年集興營仙八月一日作出烏程營氏墓專也集蓋吳之誤興作畧營仙無攷

又長一尺五分厚一寸五分左側上截古泉文曰
永康元年反文下端古泉文出武康年作丰

晉永甯專

長七寸厚一寸五分文曰永甯元年太歲辛酉下
斷酉字半泐出長興

又長一尺九分厚二寸文曰永甯元年七月十八
日作下端太歲在辛酉出烏程

又長六寸五分厚一寸六分文曰永甯元年下斷
上端万歲不毀出武康不毀猶不敗也

又長一尺八分厚一寸三分文曰永甯元年八月

丁巳朔十日上端古泉文按通鑑目錄永甯元年八月癸丑朔丁巳爲八月五日匠人誤紀也

又長一尺厚一寸五分文曰永甯元年歲在辛酉尉氏造出長興尉氏墓專也案尉爲鄭大夫尉翩之後見元和姓纂

又長一尺厚二寸文曰永甯元年七月廿日作一字一格上端文曰萬年不敗向尙治作雙行一字一格出長興卞山向氏墓專也向爲宋向戍之後漢有向長向栩向韶向雄晉有向秀向治無攷今長興尙多向氏其尙治後裔歟

又長一尺厚一寸三分文曰永甯元年太歲在辛酉出烏程

又長一尺厚一寸四分上端文曰永甯元年下端有丁字左側萬歲不敗繆篆出長興

又長一尺厚一寸四分文曰永甯元年反文一字一格上端古泉文出烏程

又長一尺厚一寸二分文曰永甯元年太歲在乙酉反文出烏程案永甯元年歲在辛酉非乙酉匠人誤記也

又長五寸五分厚一寸六分文曰永甯二年下斷

出長興

又長五寸厚一寸五分文曰永甯元年下缺出烏程